



Publicaziuns dalla vischnaunca, jamna 40

Eleczziuns communalas 2016: Secund scrutini

Il 25 da settember 2016 han giu liug las eleczziuns communalas per la perioda d'uffeci 2017–2020. Cun excepziun d'in post el cussegl da vischnaunca ein tuttas autoritads communalas vegnidas eligidas.

La suprastonza communal ha fixau il termin per il secund scrutini sin dumengia, ils **27 da november 2016**. En quei secund scrutini vegn eligi in'ulteriura persuna el cussegl da vischnaunca.

A vischinadis, partidas politicas localas ni gruppas da silmeins 15 votant/as vegn dau la pusseivladad d'inoltrar propostas per candidatas e candidats pil post vacant el cussegl da vischnaunca. Las propostas ein da far a scret e d'inoltrar entochen gievgia, ils **27 d'october 2016** all'administraziun communal, caum postal 57, 7180 Disentis/Mustér.

Suprastonza communal

Projects turistics a Mustér e Sedrun Invitaziun all'informaziun publica

En connex cun las impurtontas investiziuns dils proxims onns sisum la Surselva envidan las vischnauncas da Tujetsch e Mustér **gliendisdis, ils 24 d'october 2016 allas 19.30** ad in'informaziun publica el Center da sport e cultura a Mustér.

All'entschatta presentan cusseglier guvernativ dr. Jon Domenic Parolini, Eugen Arpagaus, Silvio Schmid, Marcus Weber sco era ils dus presidents communalas Francesc Cajacob e Beat Roeschlin ils projects turistics e lur impurtonza.

Silsuenter suonda ina discussiun da podium cun:

- Andreas Züllig, president hotelleriesuisse
- Eugen Arpagaus, menader uffeci per economia e turissem dil Grischun
- Marcus Weber, president Pendicularas Mustér ed investur Catrina Resort
- Martin Hug, president Pendicularas Surselva

Moderaziun: Corinne Staub

Suenter l'informaziun vegn offeriu in aperitiv preparaus dalla Gruppa da puras Mustér.

Reservei quei impurtont termin en favur d'in svilup prospereivel da nosa regiun.

Suprastonza communal

Tagliar caglias e plontas

Tenor art. 75, al. 4 dalla lescha da baghegiar astgan plontas buca disturbar la vischinonza ni la segirtad publica.

Per liug dallas vias publicas e privatas sco era sendas ein tuttas caglias e plontas da tagliar anavos, aschia che nuot survarga il cunfin (era buca suenter ch'ei ha neviu).

Quellas lavurs ston esser finidas sil pli tard entochen la **fin da november 2016**. En cass che las caglias e plontas vegnan buca tagliadas anavos enteifer il termin fixau, vegnan quellas lavurs exequidas entras il survetsch tecnic dalla vischnaunca cun adossar ils cuosts als proprietaris.

Uffeci da baghegiar Disentis/Mustér

Scaldaments mobils el liber

«Bulius da scaldar, radiaturs, radiaturs d'infratgietschen e.a.v.»

Tenor art. 11, al. 2 dalla lescha cantunala d'energia en cumbinaziun cun art. 33 dall'ordinaziun cantunala d'energia ha il departament da construcziun, traffic e selvicultura dil Grischun relaschau suandon-
ta disposiziun:

1. Per mintga apparat da scaldar mobil – gas, electriciad ed ieli – che vegn duvraus el liber per intents



commercials e che ha ina prestaziun da scaldar da maximalmein 14 kW sto vegnir cumpensau 1 tonna CO₂. Per apparats cun ina prestaziun da sur 14 kW e cun ina prestaziun da scaldar maximala da 28 kW sto vegnir cumpensau 2 tonnas CO₂ e per apparats cun ina prestaziun da scaldar maximala da sur 28 kW sto vegnir cumpensau 3 tonnas CO₂ e.a.v. Silmeins 20% dall'immissiun CO₂ sto vegnir cumpensada en Svizra. Per scaldaments en tenda valan las medemas pretensiuns sco pils scaldaments el liber.

2. Per mintga tonna che sto vegnir cumpensada sto vegnir taccau ina vignetta vid igl apparat da scaldar. Ina vignetta vala mintgamai in onn naven digl 1. da settember entochen ils 31 d'uost. L'obligaziun da cumprar ina vignetta exista naven dall'emprema gada ch'igl apparat da scaldar mobil vegn mess en funcziun durant la perioda da scaldar respectiva.
3. La cumpensaziun dall'immissiun da CO₂ succeda entras il gestunari ni entras la vischnaunca.
4. Sch'ils gestunaris cumpenseschan sez l'immissiun da CO₂, vegn la vignetta concedida gratuita-mein entras la vischnaunca. La cumpensaziun sto vegnir cumprovada cun in certificat d'ina interpresa specialisada sil sector dalla cumpensaziun da CO₂ (p.ex. myclimate). Per apparats da scaldar electrici po l'obligaziun da cumpensar l'immissiun da CO₂ era vegnir ademplida, sch'ei vegn applicau – per mintga tonna CO₂ che sto vegnir cumpensada – cumprovadamein 4500 kWh d'electricitad ch'ei vegnida producida cun energias regenerablas.
5. Sch'ils gestunaris cumpenseschan buca sez l'immissiun da CO₂, ston els cumprar tier la vischnaunca ina vignetta per mintga tonna CO₂ che sto vegnir cumpensada. Il prezi per vignetta importa 60 francs.
6. Las vischnauncas impundan igl entir recav dalla vendita da vignettas per cumpensar l'immissiun da CO₂. Igl uffeci d'energia e traffic metta a disposiziun in agid d'execuziun per las vischnauncas.
7. Per decretar sancziuns en cass da cuntravenziuns, en special incassar multas, ein las vischnauncas responsablas (art. 36 s. LEG).

Las vignettas san vegnir retratgas tier l'administraziun communal.

Suprastonza communal Disentis/Mustér

Invitaziun Seniors-Ca

Gievgia, ils 13 d'october 2016 allas 14.00–16.30 en **halla Cons**, *prevenziun d'accidents (ruclar) en la vegliadetgna* cun Rezia Giger-Berther, menadra dil team «Ergotherapie- Zentrum Ilanz».

La participaziun alla occurrenza ed alla marendà ei gratuita. Annunzia: per posta, fax ni e-mail entochen gliendisdis, ils 10 d'october 2016, tel. 081 920 36 36, fax 081 920 36 37 ni admin@disentis.ch

Meisa da miezdi organisada da Seniors-Ca e Puntreis

Entschatta: allas 12.15 en **Puntreis**

Gentar cun treis tratgas inclusiv 3 dl aua dalla spina ed in caffè per 15 francs.

Annunzia entochen allas 9.00 dil di a Puntreis, tel. 081 929 56 56.

La Meisa da miezdi ei aviarta per mintgin/a. Negin sforz da separticipar suenter all'occurrenza!

*geraua Cecilia Maissen-Desax
persuna da contact*

Controlla da habitonts

Naschientscha

Emma Luisa Schuoler, naschida ils 25 da settember 2016, figlia da Flavia e Toni Schuoler



Clom d'urgenza 118

Preziadas vischinas, preziai vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntonscher pumpiers ch'els enconuschan via telefon privat.

Il temps che va aschia a piarder ha ils davos dus onns caschunau la veta a duas personas el Grischun! Plinavon daventan ils donns cun mintga minuta spiarsa pli gronds. Perquei s'adressesin nus a Vus cun ina ferventa supplica: clamei ils pumpiers mo sur il clom d'urgenza 118. Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas personas vegnan clamadas. Ulteriuras informaziuns era davart la prevenziun anfleis Vus sin nossa pagina d'internet: www.pumpiers-sursassiala.ch.

Engraziel per Vies sustegn! *Vos pumpiers Sursassiala*

Rimnada da pupi

Venderdis, ils 7-10-2016

Adatg! Ei vegn mo rimnau: gasettas, illustradas, catalogs, cudischs e prospects stampai.

Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel.

Nus rimnein buca cartun. Quel sa vegnir deponius a Raveras igl entir onn ora e quei las mesjamnas (16.00–17.30) e las sondas (10.00–12.00) e buca durant la rimnada. Bien engraziament per Vies agid e sustegn!

Scolas Mustér, Ch. Berger

Colonna d'agid Mustér

Cuors da reiver per affons

Gia dapi biars onns organischa la Colonna d'agid Mustér mintga stad cuors da reiver per affons. Per dar era igl atun la pussevliadad da trenar da reiver vegn organisau durant 8 mesjamnas sera in cuors da reiver per affons dallas annadas 2008 entochen 2004.

Liug: Halla da reiver el Center da sport e cultura, Mustér

Entschatta: **Mesjamna, ils 26-10-2016** entochen miez december 2016

Annadas 2008 entochen 2004, 17.30–19.00

Menaders: Commembers dalla Colonna d'agid Mustér cun brevet Giuventetgna + sport

Annunzias: Entochen gliendisdis, ils 24-10-2016 alla Colonna d'agid Mustér, Otmar Venzin, tel. 079 381 25 52. Segirada ei caussa da mintga participontA.

Colonna d'agid Mustér

Vischinadi Segnas/Mompé Tujetsch

Invit

ad in apero avon baselgia a Mompé Tujetsch, dumengia, ils **16 d'october 2016** suenter la messa dil patrun baselgia s. Clau. Cordialmein envida

Vischinadi Segnas/Mompé Tujetsch

Staziun d'anugls Disentis/Mustér

Punctaziun d'anugls sonda, ils 8 d'october 2016 allas 8.30 a Trun.



Uniun da dunnas Disentis/Mustér

Rudi d'affons egl uaul nanin

Di dallas portas aviartas, 7-10-2016, 13.30–16.30 Per nanins pigns e gronds che han plascher da vegnir a far a nus ina viseta egl uaul. Ei dat zatgei pauc per il gust e quei da tutt'aura. Nus selegrein sin Vossa viseta.

Waldspielgruppe Nanin

Tag der offenen Türe, 7.10.2016, 13.30–16.30 Uhr Wir möchten alle kleinen und grossen Zwergnasen, die Freude haben, uns im Wald zu besuchen, ganz herzlich einladen. Es gibt etwas Kleines für den Magen und das bei jedem Wetter. Wir freuen uns auf Euren Besuch.

Kontakt: Rahel Bisquolm, 079 617 79 01, Eva-Katharina Tomaschett, 076 470 39 90

Uniun samaritana Mustér

Nies proxim exercezi meinsil ha liug gliendisdis, ils 10 d'october 2016 allas 19.30 en casa da scola, Cons.

Tgi che ha interess e vul inagada fuffergnar tier nus ei cordialmein envidaus. A stedia participaziun envida

Uniun samaritana Mustér, menadra tecnic

L'uniun samaritana Mustér organisescha il cuors d'emprem agid «NHK».

Venderdis, ils 14 d'october 2016, 19.30–21.30

Sonda, ils 15 d'october 2016, 8.30–12.00/13.00–17.30

Cuosts: Sin damonda

Annunzias ein da far entochen ils 8 d'october tier Letizia Schmed, 079 486 41 92 ni le-ti.schmed@miumail.ch

Staziun d'anugls

Radunonza, venderdis, ils 14-10-2016 a Disla, uustria «Fravia» allas 20.15.

La suprastonza

Sera da troccas a Mustér

Nus lein puspei envidar ad ina sera da troccas per in e scadin.

L'emprema sera ha liug **mardis, ils 18 d'october 2016** naven dallas 19.30 el hotel «La Furca». Era novizs che vulan emprender da dar troccas ein cordialmein beinvegni.

Cordialmein envidan

Gion Michel Flepp, Marco e Romeo Schmed
